

曹氏傷寒發微

王象
著



曹氏傷寒發微目次

原序

自序

丁序

沈序

凡例

卷一

太陽篇
上

卷二

太陽篇
下

卷三

陽明篇

卷四

少陽篇 少陰篇 太陰篇 厥陰篇 霍亂篇 勞復差後陰陽易篇

瘧濕喝篇

跋

曹氏傷寒發微目次終

曹氏傷寒發微卷第二

漢南陽張機仲景撰

江陰曹家達穎甫釋義

武進丁濟華校訂
四明沈石頑

陽明篇

問曰。病有太陽陽明。有正陽陽明。有少陽陽明。何謂也。答曰。太陽陽明者。脾約是也。正陽陽明者。胃家實是也。少陽陽明者。發汗利小便已。胃中燥實。大便難是也。不識三陽之名義。不可與知病。不識三陽之病情。不足與論治。憚鐵樵以最外一層釋太陽。予常非笑之。夫太陽爲最外一層。豈太陰爲最裏一層乎。脾爲統血之臟。外主肌肉及四肢。而部分亦主腹。以腹爲最裏似矣。然肌肉四肢並爲血脈經絡所繫。恐不得概以最裏名之。無怪自陽明以下。其名義俱不可通矣。蓋太者。太

初太始之謂。陽則以發熱言之。太陽之病。風寒襲於表。血液之溫度抗於裏。血熱戰勝始發表熱。故名太陽。猶太陰之病。寒濕由表內陷。血液之溫度不能外抗而轉少陽。血分不充始生裏寒。故名太陰也。可謂陽明。明之言盛也。太陽表氣不由汗竭則腸胃不燥。當是時表熱雖發。猶爲未盛也。及肺藏之衛氣脾藏之營氣悉化爲汗。胃中始病燥實。表熱與裏熱一氣而熱乃熾矣。故知陽明者。實壯熱之變文。亦猶厥陰因手足厥冷而名爲厥陰也。少陽者。寒熱往來。雖病從燥化熱。尙有時而解。其熱固未甚也。從太陽水氣則寒。從陽明燥氣則熱。不似陽明之獨陽無陰。此正如少陰之陰盛則宜四逆。陽復則宜承氣。不類厥陰之獨陰無陽也。故名少陽。三陽之名義既悉。病之異同乃可得而辨焉。太陽陽明所以爲脾約者。太陽部分外則爲表。內則爲肌。脾主肌肉。肌腠汗泄太過則脾氣不濡而約。脾氣不濡則潤澤不及於下而腸胃燥。此其所以爲太陽陽明也。胃中陽熱直透肌肉。潮熱日發則胃中益燥而胃家始實。此其所以爲正陽陽明也。少陽之府爲胆爲三焦。

三焦水道外散爲汗。下行爲溺。發汗利小便。傷其胃與大小腸之液。胃中消食之胆汁以涸。而增益燥煩。於是燥屎結而大便難矣。此其所以爲少陽陽明也。

陽明之爲病。胃家實是也。

正陽陽明爲胃家實。前條已詳言之。蓋寒沍於表。風襲於肌。則脾陽頓滯而不能食。新食不進。宿食不去。加以潮熱日作。胃中之液悉爲潮熱所奪。遂成燥屎。由是

舌苔黃燥。大渴飲冷。中脘痛而拒按。闕上痛。內經以闕上屬喉間病。此以氣色言之。若陽明燥氣隨經上入於腦。則

闕上必痛。此予門人王慎軒親驗之。右髀有筋牽掣。右膝外旁痛。此爲予親驗得之。皆胃家實之明證也。

問曰。何緣得陽明病。答曰。太陽病若發汗。若下。若利小便。此亡津液。胃中乾燥。因轉屬陽明。不更衣。內實大便難者。此名陽明也。

太陽病之傳陽明。厥有三因。曰發汗。曰下。曰利小便。夫發汗則肌表病氣當從汗衰。不當反因汗而劇。或其人陰液本虧。不勝劫奪。或其人陽氣本盛。易於化燥。則

胃中津液衰耗於汗後。渴飲而轉陽明。亦或於一汗之後。潮熱不已。而轉陽明。此

因汗而傳者也。太陽下證極少。設不當下而下。標陽本寒同陷。心下則爲結胸。或標陽獨陷。或表寒獨陷。則爲痞。甚或衛分陽氣先傷於汗。營分陰氣繼傷於下。而心下所結。獨存無氣之濕痰。間亦有下利不止者。惟下後潮熱爲實。故有先用丸藥下之。至自利後而仍宜大柴胡湯者。過經譫語爲熱爲內實。故又有先用丸藥下之。至自利後而仍宜調胃承氣湯者。此本在當下之例。以下非其法而病氣仍留陽明者也。三焦水道與太陽相出入。隨陽上升則爲汗。水寒下降則爲溺。惟上出者有時復降。下行者不能自還。故有汗後胃中燥竭。津液當還入胃中。汗後液少不得小便。得小便利必自愈。此汗後津液當還之明證也。若利小便太過。雖膀胱水結易去。身之發黃易消。而津液既涸。胃必因燥增熱。宿食不下。小腸大腸無所衝激。大便格而不下。此因利小便而轉陽明者也。此太陽轉屬陽明所以不離乎三因也。

問曰。陽明病外證云何。答曰。身熱汗自出。不惡寒反惡熱也。

予前既言陽之爲熱。明之爲盛矣。此節仲師答詞。固卽當解陽明爲熱盛之確據。身熱與太陽之標熱同。身熱而汗自出。如逢炎暑。如近熾炭。則與太陽之標熱異。人非腸胃中有實熱。雖當暑令。遇冰及井水。毛髮爲之凜然。無他心有所畏忌也。至遇之輒喜。絕然無所違忤。甚至好風雨而畏晴日。飲寒泉而拒沸湯。則身中陽熱無可復加矣。蓋必如是。乃謂之陽明矣。

問曰。病有得之一日。不發熱而惡寒者。何也。答曰。雖得之一日。惡寒將自罷。卽自汗出而惡熱也。

問曰。惡寒何故自罷。答曰。始雖惡寒。二日自止。此爲陽明病也。

此二節申內經一日太陽。二日陽明之義。篇中一日二日。皆以一侯言之。謂七日也。太陽傷寒本無熱而惡寒。既而血熱與外邪相拒。血熱漸勝。因而發熱不已。因而汗出。奪其胃液。胃中燥實。因而惡熱。二日惡寒自止者。言七日以上當傳陽明也。按此二節。意味不深。合太陽篇二三日陽明少陽證不見者爲不傳也。觀之理。

解方爲充足。不然太陽之病原自有從汗解後不更傳陽明者。何所見病致兩候惡寒自止而必傳陽明乎。至如陽明居中土三語。既與所問不符。又與下答詞不接。卽非後人僞撰亦必他節脫文。於辨證無甚關係。當刪薙之。知我罪我聽之而已。

本太陽病。初得時發其汗。汗先出不微。因轉屬陽明也。傷寒發熱無汗。嘔不能食。而反汗出漉漉然者。是轉屬陽明也。

此節爲不敢用麻桂者痛下鍼砭。以見畏葸太甚者之必遺後患也。予遇惡寒甚者。輕者二三錢。重者四五錢。甚或一劑不愈。連服二劑者。一年中類此者常百數十證。迄未見亡陽之變。蓋發汗必期透暢。然後肺與皮毛乃不至留戀餘邪。若汗出不微。時時發熱。久乃有汗不解。津液日損。因而轉屬陽明。且其證嘔不能食。與寒邪初犯太陽者同。發熱亦同。惟汗出漉漉然者爲獨異。知邪傳陽明之必由潮熱矣。予嘗由仲師所未言推闡之。傷寒心下有水氣。則爲乾嘔。寒鬱肌表。脾陽內

停則不能食。若病傳陽明則下燥上濕。津液被胃熱蒸迫。悉化痰涎。胃熱與濕邪抗拒。因而病嘔。不能食者。胃中本有宿食。胃液因汗而耗。燥結不復下行。胃中壅阻。因不能食。由此觀之。嘔不能食。同所以嘔不能食者異也。太陽標熱雖盛。常欲擁被而臥。至一傳陽明。則不欲近衣。發熱同而所以發熱者異也。此條不過示初學以同中求異之法。使不誤於疑似耳。若不於病理求之。則大謬矣。

傷寒二日。陽明脈大。

此亦申內經二日陽明受之之義也。二日卽七日以上。與上節惡寒二日自止同例。此云三日傳寫之誤耳。脈爲血管中含有動氣者。裏寒則見縮。故少陰寒證。脈見微細。裏熱則擴張。故證傳陽明。脈見洪大。不獨在足之趺陽喉旁之人迎見大。卽手太陰六部之脈亦大。計其時日皆當在七日以上。雖然此亦指冬令傷寒言之耳。若春日皮毛漸開。傳熱較易。則爲日亦少。至於夏秋間溫病。更有朝見太陽而日中卽傳陽明者。尤不可以常例論之。自來注家不明一日之爲七日以上。反

此与歲極溫病
辨處之說相同

謂內經傳經期日爲不足據。張隱庵又強爲之說。以爲正氣相傳而不關病氣。夫正氣之不受病者。一日之中何經不達。不知何者爲傳。皆夢囈也。

傷寒脈浮而緩。手足自溫者。是謂繫在太陰。太陰者身當發黃。若小便自利者。不能發黃。至七八日大便鞭者。爲陽明病也。

傷寒轉繫陽明者。其人濺然微汗出也。

太陽表解未徹。留著肌理。卽見浮緩。浮爲風。緩屬足太陰脾。此與中風之證。脉見浮緩正同。手足自溫卽發熱。有汗惡風之證也。肌肉內應於脾。故曰繫在太陰。風與濕交阻於肌理。則身當發黃。金匱云。濕家身色如薰黃。是其明證。惟小便自利。則濕從下泄。故不能發黃。按內經陽明標陽而本熱。標陽者卽太陽之標熱。本熱者乃胃底之胆汁。胆汁不能容涓滴之水。惟賴肝液以濡之。若汗泄太過。胃乃生燥。然陽明中氣實爲太陰。陽明不從標本而從中氣。中氣化燥。則大便鞭而轉屬陽明。不化燥則脾家實而腐穢當去。故此條亦見太陰篇中。但轉繫陽明亦必待

濺然汗出。否則七八日當傳陽明之期。不惟大便不鞭。抑且暴煩下利而見太陰濕證。惟此下利與汗出。同一泄之後。卽無餘病。故雖日十餘行而必自止也。

▲陽明中風。口苦咽乾。腹滿微喘。發熱惡寒。脈浮而緊。若下之則小便難也。

此節上下兩腹滿字。必有一衍文。玩則腹滿之字之義。似腹滿見於誤下之後。未下時不應腹滿。然非腹滿。醫者何因而誤下。此必後之腹滿字當衍也。所以爲陽明中風者。太陽初轉陽明。必有潮熱。邪風閉遏皮毛。肺氣不舒。因而微喘。肌表同病。故發熱惡寒。濕熱不從汗解。流入太陰部分。因而腹滿。陽明燥熱迫胃中胆汁上抗。因而口苦咽乾。皮毛不開。故脈浮緊。若以腹滿之故。疑爲陽明內實。妄行攻下水液。一下而盡。小便遂難。况濕邪粘膩。滲入膀胱。尤難疏泄。蓋此證宜桂枝麻黃各半湯。或大青龍湯之表裏雙解。俾風濕由汗而解。設中脘不運。更爲斟酌。下法以去內實。此亦先解其表。後攻其裏之意也。

▲陽明病若能食。名中風。不能食。名中寒。

陽明之爲病以潮熱爲驗。潮熱若汗出而肌表虛。風固能中之。寒亦能中之。但風氣散。散則脾陽不受阻。阨胃中能磨水穀。所以能食者。胃中暖故也。寒氣凝。凝則脾陽內停。胃底肝胆之液不能消穀及水。所以不能食者。胃中冷故也。張隱庵注中寒之中讀平聲。謂陽明中見之氣虛寒。殊不必。

陽明病若中寒者。不能食。小便不利。手足澀然汗出。此欲作固瘕。必大便初鞭後溏。所以然者。以胃中冷水穀不別故也。

陽明者。熱盛之變文。至於中寒則外陽而內陰。表熱而裏濕。陰寒凝。凝則機發內停。不能食者。脾不引胃不磨也。寒濕下注則水道腐穢。小便不利者。上汗濁下粘滯也。寒濕在裏。逼浮陽而外泄。故手足澀然汗出。澀然者。微出沾漬而不挾蒸氣也。寒濕滲入腸胃。由臍下痛引少腹。因作固瘕。固瘕卽俗名白痢。粘膩凝結如膠痰狀。設令外見潮熱渴飲。闕上痛。夜不安寐。不大便諸證。亦當以大承氣湯下之。然所下之物。有時初不見糞。但有粘膩之白物。甚有下至二三次而始見糞者。予

嘗治四明胡姓親見之。若但見腹痛下重而時出白物一滴。直四逆湯證耳。但以上二證皆已成固瘕之候。若欲作固瘕而未成者。大便必初鞭後溏。大腸稟陽明之燥。中脘受太陰之濕。設攻其下燥。中脘之濕必且隨之俱下。不急溫之。恐寢成寒濕下利矣。

陽明病初欲食。小便反不利。大便自調。其人骨節痛。翕翕如有熱狀。奄然發熱。漉然汗出而解者。此水不勝穀氣。與汗共併。脈緊則愈。

陽明病初欲食。既非胃中水穀不別。斷無粘膩之濕邪滲入膀胱。則小便當利。大便當燥。其人骨節反痛。此風濕相搏之證也。夫濕痺之證。關節疼煩而痛。小便不利。大便反快者。則但當利其小便。若風濕相搏。骨節疼煩。掣痛不得屈伸。近之則痛劇。汗出短氣。小便不利。惡風不欲去衣者。則當用甘草附子湯以發其微汗。小便不利。大便反快者。濕趨於下。故宜從膀胱以泄之。同一小便不利而濕流於關節。故宜從腠理以泄之。此證小便不利。大便自調。骨節痛與小便不利。大便反快。

之證略相似。然則仲師何不言當利小便。曰此可以片言而決也。反快云者。水濕有直趨下游之勢。自調不過潤下而已。非有暴迫下注之狀也。水氣不下陷其勢猶能外泄。故當有熱狀。翁翁外浮奄忽之間發熱汗出而解者。但仲師所謂此水不勝穀氣。與汗共併脈緊則愈。三言向來注家多未了解。不得不略爲分析。蓋水氣屬衛行脈外而達皮毛。穀氣屬營行脈中而發腠理。營氣勝於衛氣則脾陽內動。汗當由肌出表。營氣勝故內外相持而脈緊。此正如太陽病之脈浮緊。營氣方盛病邪在表。不難一汗而愈也。

陽明病欲解時。從申至戌上。大夏自謂其人骨節痛者。或云。此言。陽明病欲解時。從申至戌上。日昃而陽衰。陰氣乘之。地中水氣爲天陽蒸迫。陽盛之時不能升越。必待陽衰而始見。觀夏令暑雨多在日斜之候。卽晴日村落霧靄之氣亦多在傍晚。此可見申至戌上乃太陰濕土當旺之時。張隱庵以爲陽明所主。此真爲古人愚。殆不啻桃梗土偶人之冥頑不靈矣。蓋熱盛之證。遇陰氣而始解。故陽明欲解時從申至戌。

上故有熱發於申至戌上者。皆太陰病也。金匱云。病者一身盡疼。發熱日晡所劇者。此名風濕。是爲明證。或言日晡所本篇兩見。一爲吐下後五六日至十餘日。不大便。日晡所發潮熱。一爲病人煩熱汗出則解。又如瘧狀。日晡所發熱者。屬陽明。似申至戌上實爲陽明主氣。不知陽明熱證得日晡所陰氣當解而反劇者。自非本有寒濕得微陰而增重。必腸胃燥實而反抗之力強也。然則陽明主氣其在已至未上乎。大凡陽明證日中必劇其反見形寒者並宜溫藥 歷來注家泥於干支生克而不明天人相感之理。故特表而出之。

陽明病不能食。攻其熱必噦。所以然者。胃中虛冷故也。

陽明胃府受病於寒濕。以致脾胃不磨。水穀不化。此時陰盛則病進而爲寒濕下利之四逆證。陽回則病退而爲潮熱便溏胸脇滿之小柴胡證。若以汗出熱重而漫投白虎或葛根芩連以攻其熱。則胃中微陽爲陰寒所錮。必且格拒上出遂病呃逆。蓋不能食者。胃中本自虛冷。今更迫之以寒藥故也。夫夫中虛冷者。飲水猶

病呃逆。豈能更容寒藥。若得此證。非用大劑四逆理中合吳茱萸湯以驅寒而止呃。致胃中寒濕宿垢下陷太陰。甚或一轉而成腹滿加噦之死證。此其不可不慎也。以其人本虛二句。似屬編纂者注文。當刪去之。

陽明病脈遲。食難用飽。飽則微煩頭眩。必小便難。此欲作穀瘴。雖下之腹滿如故。所以然者。脈遲故也。

胃底肝胆之液並能消穀。若胃中虛寒。肝胆之液不足。則其脈必遲。遲者虛寒之脈也。太陽篇云。脈數者當消穀。爲其稟肝胆之氣也。夫數爲客熱。尙然不能消穀。何況乎遲。以故食難過飽。飽卽氣壅濕聚而生內熱。氣逆於上。則爲頭眩。濕壅於下。則小便難。此寒熱不食。食卽頭眩。心胸不安。所以久久發爲穀瘴也。加以小便既難。其腹必滿。此證非去其寒而行其濕。雖下以茵陳蒿湯。其腹滿當然不減。竊意當於茵陳蒿湯內重加生朮。生附以行之。所以然者。則以胃虛脈遲。中陽不運。非如胃實之穀瘴。脈見滑大者。可以一下而卽愈也。

此條並見金匱